

Plenchi

Bèl a bati

Bèlèm bèlèm nos ta bai kuminsá. Yega, yega serka. Hala bola pa nos por disfrutá riba plenchi awe atrobe. Esta un kalor e dianan ku a pasa.

Despues awa a yobe pa trese alivio pa nos matanan. Paranan kontentu ku a baha e sekura i naturalesa ta hari. Nos ta yama danki pa awa i tur fruta ku e lo trese.

Nos tim di futbol a lucha te na final, pero a kai chikí. Por tin hopi kítika, pero laga nos kòrda tambe ku tabatin hopi esfuerso, lucha i sakfrifisio. Pabien na kada miembro di e tim di fútbòl i tur ku a entrená i guia nos ekipo pa yega asina leu. Deporte ta importane pa nos pueblo, e ta kontribuí na distraishon sano pa fanátikonan. Tin tópiko pa papia, enterkambiá i forma opinion. Esta hopi eksperto ora ta analisá un partido. Tur hende sa mas mihó ta kon e wega mester wordu hungá. Wèl ta dos espektakulo tin ora tin deporte. Esun riba vèlt i esun den tribuna. Tin mas wega riba tribuna ku riba tereno. Ta algu masha interesante. Prósimo biaha ku bo bai un partido, sinta opservá kon esnan den tribuna ta komuniká i enteraktá.

Na skol tambe tin masha enterakshon ta tuma lugá. Den klas i pafó di klas. Kada skol ku su kultura.

Awe atrobe nos tin diferente informashon di skolnan pa boso. Sinta i dsifrutá di bo pasa boka riba Plenchi di Skol.

Not'é riba bòrchi

Frasenan ku bo mester bisa bo yu regularmente

- 1. Mi yu bo ta hasimi felis**
- 2. Bo por mi yu, mi sa ku bo por**
- 3. Mi ta kere den bo i ma ta konfiabu**
- 4. Mi ta stimabu**
- 5. Bo ta speshal pa mi**
- 6. Mi ta gusta kon bo ta....(bise algu ku e ta hasi bon)**
- 7. Mi ta yama Dios tur dia danki ku el a regalami abo.**

Den agènda

5 di oktober dia di dosente

Liber di skol 5 pa 9 di oktober

Riba rapòrt

Detje de Kinderen ku Felix Razenberg, tur dos di KPC na 's-Hertogenbosch Hulanda, ta dunando un kurso na skolnan di RK. Ta trata aki di algun dosente di 9 skol de vsbo ku ta sigui e train-de-trainers-traject 'Trainer-coach opbrengstgericht differentiëren in de klas'. Riba a potretnan boso por mira e grupo di dosente i e trainernan. Ku e kurso aki nos tin e boluntat i e meta pa tene mas kuenta ku diferenshanan den nos skolnan. Pabien na tur ku a aseptá e reto aki.





Mi ta konta

E kòpi te

Tres amiga for di infansia, Bernadette, Suzan i Mylene ta sintá ta bebe nan kòpi té di tur djasabra den adrei na kas di wela di Mylene. Tur djasabra nan ta bin einan i welita ta gosa di nan bishita. Welita ta sinta den stul di zoya i ta tende nan kombersashon. E ta hinka de bes en kuando su boka den nan kombersashon. Pero mas de bes ku otro kos. Welita ta mas un bon skuchadó.

Awe nan ta diskutí riba hòmber i nan difikultatnan. Welita ta tende nan ta krak hombernan ku smak. E no por haña un manera pa drenta e kombersashon. Poko poko e ta lanta for di su stul i slòf yega na e mesa kaminda e tres amiganan ta sintá.

E ta kue e trepochi i ta kuminsá yena un kòpi ku te. E te ta yena....yega na rant...basha den e skòter. Ora e te kuminsá basha den e kòpi tur tres ta grita den koro “Stòp welita, e kòpi a yena.”

Welita a pone e trepochi abou i a bira wak e amiganan. El a bisa na bos suave: “e kòpi ta asina yen te e ta basha over. Asina boso tambe ta, yen di boso mes opinion te boso ta serka di hoga.

Kon boso por sopra espasio pa tende i konsiderá otro opinion? De bes enkuando boso mester hasi boso mes bashi pa boso por apsorbá opinion i ideanan nobo.”

Un prenchi

Mgr. Niewindt College

Alumnonan di Mgr. Niewindt College a partisipá masha ehemplar den misa di Coromoto siman pasá. Djasabra, 5 di sèptèmber alumnonan di Mgr. Niewindt College tabatin e resamentu di Rosario pa e nobena di La Birgen di Coromoto I e misa na nan enkargo.

Hopi alumno tabata presenté for di 6or I bou di guia di yùfrou Zaehaira nan a resa Rosario.

Despues di e nobena tambe e alumnonan a hasi e misa. E parti di e ofrenda a bai den forma di un kordon ku hopi flornan traha di papel ku nos a pone na e imahen di e dushi birgen. E misa tabata hopi yen ku yùfrounan, alumnonan I hopi mayor. Nan a sinti nan bon bini i na kas i a resa rosario promé ku misa i despues nan a partisipá den e misa. Hobennan edat hopi yong ku por ta ehèmpel pa otronan. Pabien mgr. Niewindt.





Mucha djispou

Harry ta drumi den un soño dushi ora su telefon ta ring. Tring tring. E ta kue i un stèm ta puntre: “Ki ora mener ta habri diskotèk mañan?”

Harry: “7 or anochi..pero ta loko bo ta pa lantami foi soño pa un kos asina?”

Harry ta dal e telefon sera ku hopi rabia.

Despues di dos minut mes historia. Harry rabiá ta kontestá : “Ma bisa bo kaba 7 or anochi, anto niun minut promé bo no por dreña.”

E stèm ta kontestá: “Mi no ke dreña mi ke sali. Ma lanta foi soño hañami aki den.”